

# Thesalonike Chostshogsla Paului Chagdis Tanpo.

## Thesalonike chostshogsla Paului chagdis tanpoe skor.

I chagdispo Tsoo Yeshui skutshabs Paului dia dzadkhanbo nadanja i chagdis tan snunme chostshogssi uskyongunni sparjogunne gyus chanog.

Chossi khaspagunni Paului i chagdispo Korinthi gyalse nanja yod zane dia dzadkhanbo sammanog. Khoŋji i chagdispo Yeshu tonste sontea zhanste stinje, lo rcurgune nyishui nyekhorla dia dzadte innog.

Thesalonike gyalsa makedoniye gyalkhaggi nanja tshanmesan khagcan gyalsazhig inpin. Tebo gyatshoe thamaa chagste ma khagcan tan chugpo gyalsazhig inpin. Khoŋ goma teru skyod zane Yahudapagunni te gyalse migunla Paulua gyabgal coste nags stancugs pasan khoŋ teru tus nyunzunzhig mane zhugs mathubba shorgos. Khoŋ shor zane teru mashike nanja tadpa khyonkhan soma khacig mane medpin.

Paului i chagdis dicesi gyuntshan ni:-

1. Tadpa soma khyonkhangunla rdugnalli nanja rewa mipancessi spospa salces.
2. Konchog thugsthadkhanni mitshe phudcessi nanja labzhaa salces.
3. Khoŋgunla tadpacan shikhangunla maonpe tussi nanja shikhangunni tone sontea lancessi labzhagun gyudte spospa salcesgun inpin.

## Paului chogsne ju.

1:1

**1** <sup>1</sup>Daa Paulu, Silas<sup>a</sup> tan Timothi tshanke chogsne i igebo thesalonike gyalse Konchog yab tan Tsoo Yeshu mashike inkhanni chostshogsla diad. Konchoggi zhide tan thugrje khyozhaa tshanmala thobshig.

## Thesalonike chostshogssi tadpe skor.

1:2 ne 10

<sup>2</sup>Dazhe moslammi nanja khyozhagun idtu coin tusgyun Konchogga khyozhaa tshanme phia thugrjeche zhuad. <sup>3</sup>Dazhe Konchog, nadangunni yabbaa moslam zhu zane, khyozhagunni tadpabo laglenni nanja khyonces, camspe nanja zhanmaa zhabstog zhuces tan Tsoo Yeshu mashike nanja rewaa stanpo borcespoe, snyinrus cothubces gun idtu coad.

<sup>4</sup>Cespe spungun, Konchoggi khyozhagunla camspa dzadte khoŋranji migun lamma dzadkhanbo nazaah gyusyod. <sup>5</sup>Ciazerna nazhe khyozhagunla gamoe nastshul shad zane, spera cigpo gyudte manpa Konchoggi stobs nyampo shadpin,

---

<sup>a</sup>1:1 rissi skaddi nanja silwanas zerte Griiste dug.

matshad n̄azhe shadkhangun denba inkhanboa dampe thugnyiddi khyozhagunla snyiŋŋi thilne idsheshhugs. Yar n̄azhe khyozhagunni ʔoa mitshe phudtshulbo, khyozhagunni phanthogssi phia inkhanbo, khyozhagunla gyusinnog. <sup>6</sup> Dazhaa taŋ Tsoo Yeshu ʔulkhanni lammika khyozhagun ʔuls. Khyozhagunla maʂante nags thonʔear, khyozhagunni dampe thugnyiddi salkhanni thadpo nyampo te lonbo lens. <sup>7</sup> Teboe zhaste rissi Makedoniya taŋ akayi yulganni naŋŋa spun tshaŋme phia khyoraŋgun spezhigga gyurte innog. <sup>8</sup> Khyozhagun gyudte Tsooe kabo, Makedoniya taŋ Akaya yulganni naŋŋa phelces matshad, Konchoggika khyozhe tadpa khyoŋskhanni nastshulbo kanekaru leb. Te skorla n̄azhe caŋ zergos midug. <sup>9</sup> Yar te yulmigunni mitshaŋmala khyozhagunni n̄azhaa dzaoe tshulla gasus cokhan taŋ khyozhe skunʔaa colces phaŋste denbe sonpo Konchogga zhabstog zhuces gun shaddug. <sup>10</sup> Matshad Konchoggi shikhangunni ʔone sontea laŋŋa dzadkhan ʂas Yeshu, namkhane logste phebsshessi phia, khyozhagun ʂuŋste yodkhanboe skorlaŋ shaddug. Dadaŋgun Konchogne yoŋcescanni thugʂoe kane skyobba dzadkhanbo Yeshu innog.

### Thesalonike naŋŋa Paului chaglas.

#### 2:1 ne 16

**2** <sup>1</sup> De cespe spungun, n̄azhe khyozhagun nyampo tus phudkhanbo phanmithogs mankhan khyozharaŋŋa gyusinnog. <sup>2</sup> Khyozhaa yodsa Thesalonika yoŋŋi saŋ sŋunla, Philipi gyalse naŋŋa n̄azhaa tsamshig nags taŋ ʔelba stankhanbo khyozhagunla gyusinnog. Innaŋ thesalonike naŋŋa gyabgal ʂante thonŋaŋ, n̄adaŋŋi Konchoggi khyozhagunla khoŋŋi gamoe nastshul jigs medpa shadcesla n̄azhaa spospa sals. <sup>3</sup> Dazhe chosshadkhangun n̄azhaa norte ya raŋdod ya gobskor taŋcessi dodpe zhaste manpin. <sup>4</sup> Innaŋ Konchoggi gamoe nastshul stadda dzadcesla ospacan theadzadkhanni migun tsogsla n̄azhe shaddad. Dazhe dodpa ni migun thadcuces manpa Konchog thugnyes cugcespo in, khoŋŋi n̄adaŋgunni snyiŋŋi stagcad dzaddanog. <sup>5</sup> Dazhe nordod yodte khyozhaa lce kolces ya khyozhe dzae inzun mane mataŋkhanbo khyozhaa gyusinnog, yar Konchog teboe spaŋpo in, <sup>6</sup> matshad khyozhaa inʔo ya zhanma, n̄azhe mi kane stodpa thobcessi rewa maborpin.

<sup>7</sup> Mashike skutshabs incespoe, n̄azhe khyozhe kane thobtaŋgun stsod nyances yodpin. Innaŋ ame raŋŋi ʔugugunla pibi taŋste stastog coa tsogsla n̄azhaa khyozhaa nyampo bulmo yodpin. <sup>8</sup> Khyozhagunla n̄azhe camspa ʂante cospa, khyozhaa nyampo Konchoggi gamoe nastshul cigpo manpa, n̄azharaŋŋi mitshean gocesla thaddadpin.

<sup>9</sup> Cespe spungun, n̄azhe bardo khurte las cokhanbo khyozhagunla tantan idtu yodʔo; sperna Konchoggi gamoe nastshul khyozhagunla shad zane, suzhiggaŋ bardo mithoŋcesla n̄azharaŋŋi ghosdomgunni phia n̄azhe nyintshan medpa las cospin. <sup>10</sup> Khyozhaa Tsooeke tadpa cokhangunni ʔoa, n̄azhe scodlamgun stsaŋma, ʔaŋpo taŋ skyonmed yodkhanboe spaŋpo khyozhaa tshaŋma taŋ Konchog innog. <sup>11</sup> Yar abe raŋŋi ʔugua yasha nyampo stastog cokhan tsogsla n̄azhean khyozhaa

rere stastog cokhanbo khyozhaa gyusinnog. <sup>12</sup> Dazhe khyozhagunla Konchogga stsiwa thobcescanni mitshezhiḡ phudcesla spospa taḡin zhuwa phullad, ciazerna khonḡi khyozhagunla khonḡraḡḡi gyałsid taḡ spalli naḡḡa duggala bodda dzads.

<sup>13</sup> Dazhe tusgyun Konchogga thugrjeche zhuad, ciazerna ḡazhe Konchogḡi ka shad zane, khyozhagunni tegun mii spera manpa, Konchogḡi ka incespoe nyans, kabo tantan innog. Yaḡ tadpa khyoḡskhangunnii mitshee naḡḡa te kaboe chaglas dzadin innog.

<sup>14</sup> Cespe spungun, khyozhaa yahude yulli naḡḡa Konchogḡi chostshogs kabo Mashika Yeshui in, tegun ḡulkhanni lammika ḡulte innog. Tegunla Yahudapagunni nags stanna tsogsla, khyozhagunlaḡ raḡyulli migunni nags stante innog. <sup>15</sup> Tenna tsogssi Yahudapagunni Tsoo Yeshu matshad, sḡunme luḡstonpagunnaḡ sadte inpin, yaḡ ḡazhagunlaḡ nags stans. Konchog tegunnika thugsthadda madzads. Yaḡ tegunni mitshaḡmaa gyabgal coste <sup>16</sup> Yahudapa mankhangunla tharpa thobcessi gamoe nastshul shadcesne ḡazhaa ḡhagcessi stsonḡus cos. Tezug cocesne, khonḡunni sdigpabo stsagin soḡte tshadne thalte soḡ pasan, ta Konchogḡi thugssḡo gaḡpo tegunnika babste innog.

### **Paulua khonḡun nyampo yaḡskyar thugcessi dodpa.**

#### **2:17 ne 20**

<sup>17</sup> Cespe spungun, ḡazhagun semsne manpa, zugssi thogne khyozhaa nyampo tus nyuḡunzhiggi phia thagraḡḡa bete yod zanean, ḡazhe khyozhagun yodsa logste yoḡcessi stsonḡus ḡante cospin, ciazerna ḡazhaa, khyozhagun thoḡcessi dodpa ḡante yodpin. <sup>18</sup> Dazhagun logste khyozheka yoḡnyin yodpin, tantanla ḡa Paului logste yoḡcessi stsonḡus lan maḡpo cospin, innar ḡshetanni ḡazhaa gaḡskyił taḡs.

<sup>19</sup> Dadaḡḡi Tsoo Yeshu logste phebustus, khonḡi skudunla ḡazhaa rewa, gamo yaḡ stsiwa thobcessi gyuntshan su in? Khyozhaa manna? <sup>20</sup> Denba, ḡazhe spal taḡ gamoe gyuntshanbo khyozhaa in.

### **Timothi skor.**

#### **3:1 ne 13**

**3** <sup>1</sup> Teboephia ḡazhaa khyozhe nasluggi skorla gyusmacha dug mathub pasan, ḡazharaḡ Ethen gyalse naḡḡa dugces thagcadte, <sup>2–3</sup> ḡazhaa nyampo Konchogḡi zhabstog zhuin mashike skorla gamoe nastshul shadkhan, ḡazhe cespa spun, Timothi khyozhagunnika kalpin. Khoe khyozhe semsnyidgun shugscan coces taḡ tadpe naḡḡa spospa taḡste nagsbardo thoḡḡi tusla khyozhaa suzhigḡian rewabo phaḡ micugcessi ḡazhe dodpa coad. Itsogssi nagsbardogun ḡadaḡḡi phia skalte yodkhanbo khyozhagunla gyusinnog. <sup>4</sup> Ciazerna ḡazhaa khyozhaa nyampo yod zanean, ḡadaḡḡunla nags stancen zerte khyozhaa shaḡ skulladpin. Yaḡ tenna ḡaḡḡa cuḡin yodkhanbo khyozhaa gyalla coste gyusinnog.

<sup>5</sup> Teboephia ḡa ḡante dug mathubpa, ḡe Timothi khyozhagunni tadpa stanpo luste dugga midug stala kalpin. Tshod stakhanni tshodpa shetanni khyozhaa tadpa

phañcessi tshodlthe nanña budcugste, ñazhe khyozhe ÷oa stsonðus cokhangun phanmithogs gyurcugšidces innog samste ña jigssadpin.

<sup>6</sup> Innañ khyozhagunni tadpa tañ camspe skorla nastshul zanpo khurte Timothi dagsarañ ñazheka logste leb. Khyozhagunni ñazhaa khyozhaa nyampo yodkhanni tusgun thadpo nyampo idtu coces yañ, ñazhaa khyozhaa thugcesla dodpa şante yodkhan tsogsla, khyozhañ thugcesla dodpa yodkhangun Timothii shaddarag.

<sup>7</sup> Teboephia ñazhaa nags tañ bardo thonin yodnañ, cespe spungun, khyozhaa tadpe nanña stanpo dugcespo tshorte, ñazhaa spospa thob. <sup>8</sup> Khyozhagunni Tsooe nanña tadpa stanpo borpa, ñazhe semsla soma mitshe thob.

<sup>9</sup> Khyozhe zhaste tsamshig gamo ñazhaa Konchoggi skudunla thobkhanboa, ñazhe Konchogga thugrjeche ÷anðaa kazuggi zhuthubin? <sup>10</sup> Yañ khyozhe tadpe nanña ghosdom luste yodkhan tşanma skañcesla ñazhaa yañskyar khyozhagun dunla thug cugga dzad zhuin, ñazhe tşannyin medpa Konchogga snyinñi thilne dodpa şante nyampo moslam zhuad.

<sup>11</sup> Ta Konchog ñadaññi yab tañ, ñadaññi Tsoo Yeshu nyiskoe, ñazhe phia yañskyar khyozhagun thugcessi lambo lagmo coa dzadshig. <sup>12</sup> Yañ Tsooe khyozhagunni camspabo khyozhaa cig tañ ciggi nanña matshad, zhanma tşanme phiañ gyasshugga dzadshig, kazug khyozhagunni phia ñazhe camspabo yod.

<sup>13</sup> Dadaññi Tsoo Yeshu khonraññi dampe phonyagun nyampo phebssi tusla, khyozhaa tşanma Konchog, ñadaññi yabbi skudunla dampa tañ skyonmed lusshesla, Tsoo Yeshui khyozhaa semstobscan dzadshig.

### **Konchog thugsthadcessi mitshe phudces.**

#### **4:1 ne 12**

**4** <sup>1</sup> Stinjugpeka cespe spungun, Konchog thugsthadcessi phia ñazhe khyozhaa labskhan nanñhin mitshe phudcesla zhuad. Ona khyozhe tenna tsogssi mitshe phudin innog, innañ ta taruññañ mañña tetsogssi mitshe phudcesla ñazhe Tsoo Yeshui tşanni nanña khyozhaa spospa tañin zhuwa zhuad. <sup>2</sup> Tsoo Yeshui waññi nanña ñazhe khyozhaa tañkhanni labzhagun khyozhaa gyusinnog. <sup>3</sup> Konchoggi thugsdodpo ni, khyozhaa dampa yongoshespo in, teboephia khyozhagun lusdel ñanpagunne thagrinña dugshig. <sup>4-5</sup> Tene zhanma Konchog masheshkhanni tadpa medkhangun tsogsla lusdel ñanpe dodpa mayonña, khyozhaa reea dampa tañ stsiwacanni mitshezhiigi nanña ranraññi zugspogun cunte borces shesin.

<sup>6</sup> Spunni zhidmad nyampo lusdel borte, ranñi spunla ñanpa ya gobskor tañ magos. Tetsogssi las cokhangunla Tsooe chadpa salla dzadin zerte, khyozhagunla sñunla ñazhe spanpudpin. <sup>7</sup> Konchoggi ñadangun tşhitu mitshezhiig manpa, dampa mitshezhiig phudcesla bodda dzadte innog. <sup>8</sup> Teboephia te labzhaa khaa nyannamed zerkhangunni, mii labzha manpa, Konchoggi labzhaa khaa manyanna innog. Konchog ni khyozhaa, khonraññi dampe thugnyid salla dzadkhanbo innog.

<sup>9</sup> Ta cig tañ cigga camspa cocessi skorla khyozhaa cañ ÷igos medpa innog, ciazerna Konchog khonraññi khyozhagunla cig tañ cigga camspa cocespo labba dzadte in. <sup>10</sup> Yañ denbaa khyozhagunni makedoniye yul ganpoe nanña yodkhanni

spun tshanma, tenna camspabo stante innog. Innaŋ ɗazhe cespe spungun, ta i saŋ maŋŋa cocesla, ɗazhe spospa taŋin zhuwa zhuad.

<sup>11</sup> Khyozhe migzhibo ni zhidecanni mitshe phudces, raŋŋi las taŋ ɗel borte zhanme lassi naŋŋa thesstog mitaŋces taŋ, raŋŋi laga badte mitshe phudkhanzhig yonɗoshes innog, kazug ɗazhe khyozhagunla labste inpin.

<sup>12</sup> Tezug cona khyozhagunni mitshe phudtshulboa, tadpa medkhangunni maŋŋa stsiwa thobin, yaŋ khyozhagunla ghosdomgunni phia zhanmeka stente dug migos.

### **Sontea laŋŋa dzadcessi rewa.**

#### **4:13 ne 18**

<sup>13</sup> Ta cespe spungun, khyozhaa shikhangunla cuŋcespo hagogoshessi ɗazhe dodpa coad. Tene khyozhagunla sontea laŋcessi naŋŋa rewa medkhangun tsogssi tsherkha miyoŋ. <sup>14</sup> Yeshu toŋste yaŋskyar sontea zhaŋskhanboa ɗadaŋŋi tadpa cos pasar, Yeshuika tadpa borte shikhangun, Konchoggi sontea laŋŋa dzadte, Yeshu nyampo khyoŋŋa dzadcespoaŋ ɗadaŋgunni tadpa coanog.

<sup>15</sup> Tsoo Yeshui molkhanbo ɗazhe khyozhagunla shaddad, Tsoo logste phebssi tusla, ɗadaŋ sontea yodkhangun, tantanla shikhangunni saŋ sŋunla khoŋŋa thugga michaa. <sup>16</sup> Skad chenmoe naŋŋa ka, phonye sponboe suŋskad taŋ Konchoggi tuŋskad nyampo, Tsoo khoŋraŋ namkhane babsin, tene mashikeka tadpa borte shikhangun sŋunla sontea laŋŋa dzadin. <sup>17</sup> Te stiŋne jigstennika ɗadaŋ sontea luste yodkhangun ŋinnika tegun nyampo Tsoo Yeshu jalcesla stagga dzadin, yaŋ ɗadaŋgun Tsoo nyampo tusgyun dugin. <sup>18</sup> Tennaboephia khyozhagunni te labzhagun cig taŋ cigga shadte spospa toŋshig.

### **Tsoo Yeshu phebsshessi tussi phia ɗaldig dugces.**

#### **5:1 ne 11**

**5** <sup>1</sup> Cespe spungun, ta Tsoo Yeshu logste phebshessi tuspo, nam cuŋin teboe skorla khyozhagunla, ɗigos medpa innog. <sup>2</sup> Ciazerna Tsoo phebshessi zhagpo tshanla ŋkunma yoŋkhan tsogsla gyus medpa yoŋcespo khyozhaa salpo gyusinnog. <sup>3</sup> Migunni, "I tuspo zhidecan taŋ jigspa medkhan dug" zerin yodtus, hunmedla tegunnika ŋkyenŋan yoŋin, kazug ɗugu jorcescanni bumoa skyezer taŋŋad, khoŋgun tantanla tekane mithar.

<sup>4</sup> Innaŋ cespe spungun, khyozhagun mundiggi naŋŋa gyusmedkhangun tsogsla dugste man pasar, ŋkunma tsogsla te zhagpo leb zane, khyozhagun ha milas. <sup>5</sup> ɗadaŋgun tshan ya mundiggi ɗugu manpa, khyozhaa tshanma od taŋ nyime ɗugu innog. <sup>6</sup> Teboephia ta ɗadaŋgun shaŋ coste zhanmagun tsogsla nyidlogste madugga, raŋsems cunthubkhan rig yonɗoshes innog. <sup>7</sup> Nyid taŋkhangun tshanla nyid taŋŋanog, yaŋ raroskhangun tshanla rarossanog. <sup>8</sup> Innaŋ ɗadaŋgun oddi in pasar, ɗadaŋgunni raŋsems cunshig, yaŋ tadpa taŋ camspa gun taŋŋa kabcessi magchas, yaŋ tharpa thobcessi rewa tantanbo lcaɗssi tibi tsogsla gonin. <sup>9</sup> Ciazerna Konchoggi ɗadaŋgun chadpe phia Idamma madzadda, ɗadaŋŋi Tsoo Yeshu Mashika gyudte tharpa thobcesla, Idamma dzadte innog. <sup>10</sup> ɗadaŋŋi phia Yeshu

tonjs. Dadarj shite yoddo ya sountea nɗadarjja khonj nyampo tusgyun mitshe phudnyancesi gyuntshanboe phia, khonj tonjs. <sup>11</sup> Teboephia khyozhe cig tarj cigga spospa tarjste, Tsoo Yeshui narjja khonggunni tadpa skyedla khyonj, kazug khyozhe coinzhig innog.

### **Paului stinjuggi labzha.**

#### **5:12 ne 28**

<sup>12</sup> Cespe spungun, Tsoo Yeshui zhabstog zhukhanni uskyongunla stsiwa cocesla zhuad, kagunni khyozhe ɗoa stsonɗus ɗante coin khyozhaa sdigpa micocesla sparjpuddanog. <sup>13</sup> Ona, khonggunni stsonɗussi lasgun thonje khongunla gyaspa stsiwa tarj, snyinjne camspa coshig, yarj cig tarj cig thunte dugshig.

<sup>14</sup> Cespe spungun khyozhagunla, nɗazhe spospa tarjin zhuad, lasmilamkhangunla sparjpuɗshig, snyinjstobs medkhangunla spospa tonjshig, nyamschungunla rogs coshig, yarj tshanjma nyampo zodpa borshig. <sup>15</sup> Suzhiggan njanpe lanla njanpa co macugshig, cig tarj cigga matshad, zhan tshanjma nyampoarj tusgyun zarjpo cocessi stsonɗus coshig.

<sup>16</sup> Tusgyun gamo dugshig. <sup>17</sup> Chadmedla moslam zhuin dugshig. <sup>18</sup> Naslug tshanjme narjja Konchogga thugrjeche zhushig, ciazerna khyozhe Mashika Yeshu nyampo mitshee narjja, igun Konchoggi thuggonjs innog.

<sup>19</sup> Khyozhe snyinjri narjja dampe thugnyiddi chaglasgunla ghagzhaa matarjshig. <sup>20</sup> Luɗstangunla stsiwa matarjja narjmed macoshig. <sup>21</sup> Luɗstan tshanj mala stagcad coshig. Denbe luɗstangunnika stanpo thamste dugshig. <sup>22</sup> Las njanpe rigs tshanjmane thagrijja dugshig.

<sup>23</sup> Ta nɗadarjja zhide salkhanni Konchoggi khyozhagunla cisathogne dampa dzadshig. Yarj nɗadarjji Tsoo Yeshu Mashika logste phebsphebs tshogpa, khyozhe semsnyid, sems tarj zugspo tshanjma, skyonmed borra dzadshig. <sup>24</sup> Khyozhaa bodda dzadkhanni Konchog ni idshescan innog, yarj khonjri te tshanjma coa dzadin.

<sup>25</sup> Cespe spungun, nɗazhe phia moslam zhushig. <sup>26</sup> Camspa nyampo cespe spun tshanj mala ju zhus. <sup>27</sup> Da, Paului khyozhagunla, Tsooe warjri narjja i igebo cespe spun tshanjme dunla silcesla katarjad.

<sup>28</sup> Dadarjji Tsoo Yeshu mashike thugrje khyozhaa nyampo lusshig..